



08054

大事記卷九

宋呂祖謙撰

郡後學

胡鳳丹

月樵校梓

...

漢太祖高皇帝五年冬十月王追西楚項籍至固陵

遣使許齊王韓信魏相國彭越地皆引兵來會以本紀修

十一月西楚大司馬周殷舉九江兵降以本紀修

十二月王與諸侯兵大破西楚軍於垓下項籍走死

東城楚地悉定以本紀修

封項伯等四人為列侯賜姓劉氏故項籍臣稱其主

名者盡拜為大夫鄭君不從逐之以本紀列傳修

卷九

大事記

一

退補齋藏板

王還至定陶奪齊王韓信軍以本紀修

盧縮滅臨江虜其王尉以本紀修

春正月徙齊王信為楚王封魏相國彭越為梁王以本紀修

紀修

赦天下以本紀修

二月甲午即皇帝位于定陶汜水之陽以本紀大事記修

更王后曰皇后太子曰皇太子追尊先媼曰昭靈夫

人通鑑

封故衡山王吳芮為長沙王故粵王亡諸為閩粵王

紀修

帝西都洛陽

以本紀修

夏五月兵皆罷歸家

紀本

復諸侯子在關中者十二歲

以本紀修

聚民保山澤者令各歸其縣復故爵田宅自賣為人

奴婢者免為庶人

紀本

詔守尉長吏善遇高爵

以本紀修

置酒洛陽南宮

紀本

召故齊王田橫未至洛陽三十里自殺

以通鑑修

卷九

大事記

二

退補齋藏板

以季布為郎中斬丁公以徇

通鑑綱目

帝西都關中

以本紀修

六月赦天下

以本紀修

秋七月燕王臧荼反陷代地帝自將征之

以史記漢書本紀修

趙景王耳長沙文王芮皆薨

以史記月表通鑑修

八月立趙太子敖為趙王長沙太子臣為長沙王

以本

紀年表修

九月滅燕虜臧荼封太尉盧縮為燕王罷太尉官

以本

紀史記年表修

使樊噲以丞相將兵攻代

以史記本紀修

項籍故將利幾反帝自擊破之

以本紀修

後九月治長樂宮于長安

以史記前漢本紀修

漢太祖高皇帝六年冬十月令天下縣邑城

本紀修

十二月帝遊雲夢會諸侯於陳執楚王韓信是日赦

天下

以皇極經世史記本紀修

帝還至雒陽赦韓信封為淮陰侯

本紀修

甲申始剖符封大功臣二十餘人為徹侯

以通鑑修

春正月丙午分楚為十二國以淮東東陽鄣吳三郡

卷九 大事記

三

退補齋藏板

五十三縣封從兄將軍賈為荆王以淮西碭薛郊三

郡三十六縣封弟文信君交為楚王

以史記漢書本紀通鑑修

壬子以雲中鴈門代三郡封兄宜信侯善為代王以

膠東膠西臨淄濟北博陽城陽六郡七十三縣封子

肥為齊王

以本紀修

以曹參為齊相國

以列傳修

諸侯得自除御史大夫羣卿以下眾官如漢

淮南王傳

徙韓王信國於太原

以本紀修

三月封雍齒為什方侯

以本紀通鑑修

定功行封又作元功十八人位次以史記本紀通鑑年表修

帝歸櫟陽以本紀修

張良杜門不出以列傳修

夏五月丙午尊太公爲太上皇通鑑本

立大市於長安以史記年表修

以張蒼爲主計以列傳修

秋匈奴冒頓圍韓王信於馬邑夏月信以馬邑降匈

奴與匈奴南攻太原至晉陽以本紀列傳修

命叔孫通徵魯諸生起朝儀有兩生不肯行以列傳修

卷九 大事記

四 退補齋藏板

漢太祖高皇帝七年冬十月長樂宮成諸生羣臣朝

正于長樂宮始用新儀以叔孫通爲奉常以列傳年表修

命蕭何次律令韓信申軍法張蒼定章程以本紀修

帝北征韓王信于銅鞮信走匈奴遂征匈奴至平城

白登爲匈奴所圍七日用陳平計得出以皇極經世本紀修

十二月帝還過趙不禮趙王張敖以本紀修

匈奴攻代代王棄國自歸維陽赦爲合陽侯以本紀修

辛卯封子如意爲代王以本紀修

春令郎中有服耐以上請之民產子復勿事二歲以本紀修

二月帝至長安遂定都丞相以下自櫟陽徙治長安  
以史記漢書本紀修

治未央宮立東闕北闕前殿武庫太倉  
本紀

置宗正官以序九族  
本紀

夏四月帝如洛陽  
以本紀修

以陳稀爲趙相國監趙代邊兵  
以本紀盧縮傳修

徙豐民於驪邑更名曰新豐  
以地理志修

漢太祖高皇帝八年冬帝東擊故韓王信餘寇於東

垣還過趙貫高謀爲逆不果  
以稽古錄修

卷九 大事記 五 退補齋藏板

以建武侯靳歙爲車騎將軍  
以列傳荀悅漢紀修

十二月帝至自東垣  
以本紀修

春三月帝如洛陽  
以本紀修

復吏卒至平城者終身  
以本紀修

令賈人毋得衣錦繡綺縠絺紵罽罽操兵乘騎  
以本紀修

秋八月吏有罪未發覺者赦之  
本紀

九月帝至自雒陽  
以本紀修

漢太祖高皇帝九年冬十月未央宮成淮南王英布

梁王彭越趙王張敖楚王交及羣臣朝於未央宮置

酒前殿帝奉玉卮爲大皇壽以史記漢書本紀修

遣劉敬奉宗室女翁主名爲長公主以妻匈奴單于

以史記漢書列傳修

十一月徙楚昭氏屈氏景氏懷氏齊田氏及燕趙韓

魏強族於關中以史記漢書本紀列傳修

十二月帝如洛陽以本紀修

春正月廢趙王張敖爲宣平侯徙代王如意爲趙王

以本紀修

詔丙寅前殊死以下皆赦之通鑑

卷九 大事記

六 退補齋藏板

三月帝至自洛陽以本紀修

以張敖故臣田叔孟舒等十人爲郡守諸侯相以本紀修

夏六月晦日有食之以本紀五行志修

以丞相蕭何爲相國以年表修

罷渭南河上中地郡復隸內史以地理志修

以御史大夫周昌爲趙丞相以史記年表修

甲辰漢太祖高皇帝十年冬十月淮南王英布燕王

盧縮荆王賈梁王彭越楚王交齊王肥長沙王吳臣

朝於長樂宮以史記本紀修

以符璽御史趙堯爲御史大夫

以史記漢書年表周昌傳修

夏五月太上皇崩於櫟陽宮

漢記通鑑

秋七月癸卯葬太上皇子萬年楚王梁王皆來送葬

赦櫟陽囚

漢紀通鑑史記

八月令諸侯王立太上皇廟于國都

本紀

九月趙相國陳豨反於代帝北征次于邯鄲

以漢書史記本

紀皇極經世修

詔縣道官獄疑者各讞所屬不能決者移廷尉廷尉

不能決者以聞

以荀悅漢紀刑法志修

卷九 大事記

七

退補齋藏板

漢太祖高皇帝十一年冬十月帝在邯鄲大破陳豨

軍以周勃爲太尉定代地

以本紀年表修

春正月淮陰侯韓信謀反長安夷三族

本紀

故韓王信與匈奴據參合樊噲柴武擊斬之

以本紀列傳修

帝還雒陽

以本紀修

封子恆爲代王頗取山南太原之地益屬代代之雲

中以西爲雲中郡

以本紀修

赦天下

本紀

二月立郡國朝獻口賦法

以通鑑綱目修

詔郡國求賢

通鑑綱目

三月廢梁王彭越為庶人徙蜀尋夷三族

以本紀列傳修

分梁地為二國立子恢為梁王子友為淮陽王

以本紀列

傳修

夏四月帝至自雒陽

以本紀修

五月遣陸賈立秦南海尉趙佗為南粵王

以本紀修

帝有疾樊噲排闥問疾

以通鑑列傳修

秋七月淮南王英布反擊殺荆王劉賈并其地北渡

淮擊楚楚王交走入薛

以史記漢書本紀修

卷九

大事記

八

退補齋藏板

帝自征英布發關中巴蜀兵為皇太子衛軍霸上赦

天下死罪以下皆從軍

以本紀修

立子長為淮南王

以史記本紀修

漢太祖高皇帝十二年冬十月帝大破英布軍於蕪

西布走渡淮數止戰不利與百餘人走江南長沙王

吳臣誘殺之於番陽

以本紀列傳修

帝還過沛置酒沛宮復其民世世無所與

以本紀修

甲長帝崩于長樂宮丁未發喪赦天下

以本紀修

以陳平為郎中令復樊噲爵邑

以本紀修

盧縮亡入匈奴以本紀修

五月丙寅葬長陵皇太子羣臣反至大上皇廟上諡

曰高皇帝是日太子嗣位是為孝惠皇帝以本紀修

尊皇后曰皇太后以本紀修

詔高爵宗室外戚民老者幼者有罪寬其刑以本紀及注修

田租復十五稅一以本紀修

詔吏六百石以上其家唯給軍賦故吏嘗佩二千石

官印者亦如之以本紀修

令郡國立高皇帝廟以本紀修

卷九 大事記

九

退補齋藏板

漢孝惠皇帝元年冬改諸侯王相國為丞相荀氏漢紀

召趙丞相周昌詣長安以列傳修

太后殺趙王如意及其母戚氏以皇極經世修

令民買爵以贖罪以本紀修

賜民爵戶一級以本紀修

徙淮陽王友為趙王以本紀修

賜酈侯呂台父周呂侯澤諡曰令武以本紀修

始作長安城西北方以本紀修

漢孝惠皇帝二年冬十月楚王交齊王肥來朝以本紀修

紀

齊王獻城陽郡為長公主湯沐邑尊公主為太后本

紀列傳修

春正月有兩龍見蘭陵家人井中本紀

隴西地震本紀

夏旱本紀

秋七月辛未相國鄧文終侯蕭何薨本紀通鑑修

癸巳以齊丞相平陽侯曹參為相國本紀史記大

漢孝惠皇帝三年春大發關中民城長安三十日罷

卷九 大事記

十 退補齋藏板

以稽古錄本紀修

復以宗室女為公主妻匈奴單于本紀修

夏五月立閩越君搖為東海王本紀

六月發諸侯王列侯徒隸二萬人城長安本紀

秋七月都廐焚本紀

南越王趙佗入貢本紀修

蜀蒯氏反擊平之本紀史記大事通鑑修

漢孝惠皇帝四年冬十月壬寅立長公主女張氏為

皇后本紀列傳修

春正月舉民孝弟力田者復其身本紀

三月甲子皇帝冠赦天下本紀

省法令妨吏民者本紀

除挾書律本紀

立原廟渭北以通鑑修

長樂宮鴻臺災本紀

雨血于宜陽漢紀

秋七月乙亥未央宮凌室災丙子織室災本紀

漢孝惠皇帝五年冬十月靄桃李華棗實本紀

卷九 大事記

十一

退補齋藏板

春正月復發關中民城長安三十日罷本紀

夏大旱本紀

秋八月己丑相國平陽懿侯曹參薨本紀

九月長安城成本紀

漢孝惠皇帝六年冬十月諸侯王以都城成來賀史

記本

以安國侯王陵為右丞相曲逆侯陳平為左丞相年

表

齊悼惠王肥薨通鑑

遣張良立齊太子襄為齊王赦齊境內以列傳史記大事記修

匈奴單于冒頓為書嫚太后樊噲請擊之從季布議

而止以列傳修

令民得賣爵本紀

民女子年十五以上至三十不嫁五算以本紀修

夏六月舞陽武侯樊噲薨以本紀修

立西市修太倉以史記大事記漢書本紀修

留文成侯張良薨以通鑑漢紀修

以周勃為太尉通鑑

卷九 大事記

十一 退補齋藏板

漢孝惠皇帝七年冬十月詔灌嬰將車騎材官屯滎

陽以本紀修

春正月辛丑朔日有食之本紀

夏五月丁卯日有食之既本紀

秋七月戊寅帝崩于未央宮本紀

太后使呂產將南北軍通鑑綱目

九月辛丑葬安陵皇后張氏名後宮子為太子至是

卽位謁高廟以本紀外戚傳修

太后臨朝稱制赦天下本紀

甲寅漢高皇后呂氏元年冬十一月甲子以右丞相

王陵為帝太傅左丞相陳平為右丞相典客辟陽侯

審食其為左丞相食其不治事監宮中以史記本紀漢書年表修

太傅王陵謝病免以列傳修

追尊太后父臨泗侯呂公為宣王兄周呂令武侯澤

為悼武王以通鑑修

春正月除三族孽妖言令本紀

二月置孝弟力田官一人秩二千石以本紀修

夏四月長公主薨立公王子張偃為魯王諡公主曰

卷九 大事記

三

退補齋藏板

魯元太后以通鑑修

辛卯立孝惠後宮子疆為淮陽王不疑為恆山王山

為襄城侯朝為軹侯武為壺關侯割齊之濟南郡為

呂國立酈侯呂台為呂王以史記本紀漢書年表修

五月趙王宮叢臺災本紀

秋桃李華本紀

御史大夫趙嘉抵罪以上黨守任敖為御史大夫漢

紀百官表修

漢高皇后呂氏二年冬十一月呂肅王呂台薨立呂

太子嘉爲呂王

以通鑑史記本紀修

春正月詔定列侯朝位

以本紀修

己卯地震羌道武都道山崩

本紀

楚王遣子郢客入都受業齊王遣弟章入宿衛夏五

月丙申封郢客爲上邳侯章爲朱虛侯以郢客爲宗

正又以呂祿女妻章

以年表列傳修

六月丙戌日有食之

本紀

秋七月恆山王不疑薨無後立襄成侯山爲恆山王

更名義

以史記漢書本紀通鑑修

卷九

大事記

古

退補齋藏板

行八銖錢

本紀

封鄧文終侯蕭何夫人同爲鄧侯

以史記年表修

漢高皇后呂氏三年夏江水漢水溢流民四千餘家

本紀

秋星晝見

本紀

伊水洛水溢流千六百餘家汝水溢流八百餘家

漢高皇后呂氏四年春二月癸未封孝惠後宮子太

爲昌平侯

以年表通鑑修

夏四月丙申封淮陽丞相呂勝爲贊其侯楚丞相呂

更始為滕侯呂忿為呂成侯太中大夫呂它為俞侯

舞陽武侯樊噲夫人呂嬃為臨光侯以史記本紀年表修

廢少帝幽殺之五月丙辰立恆山王義為帝更名曰

弘不稱元年以通鑑本紀修

封軹侯朝為恆山王以史記本紀修

以平陽侯曹窋為御史大夫通鑑

禁南越關市鐵器通鑑

漢高皇后呂氏五年春南越王趙佗自稱南武帝本紀

秋八月淮陽懷王彊薨立壺關侯武為淮陽王以通鑑修

卷九 大事記

五

退補齋藏板

九月發河東上黨騎屯北地本紀

初令戍卒歲更以史記大事記修

漢高皇后呂氏六年冬十月廢呂王呂嘉十一月立

肅王弟產為呂王以通鑑修

春星晝見本紀

夏四月丁酉赦天下本紀

齊王遣弟興居入宿衛封為東牟侯以列傳年表修

秩長陵令二千石六月城長令本紀

匈奴寇狄道攻阿陽本紀

行五分錢本紀

漢高皇后呂氏七年冬十二月匈奴寇狄道本紀

春正月丁丑趙王友幽死於邸本紀

己丑晦日有食之既晝晦以史記漢書本紀修

二月徙梁王恢為趙王呂王產為梁王梁王不之國

為帝太傅通鑑

立惠帝後宮子昌平侯太為呂王更名梁曰呂呂曰

濟川史記本紀

割齊琅邪郡立高祖從祖弟大將軍營降侯澤為琅

卷九 大事記

六

退補齋藏板

邪王以本紀年表修

夏五月追尊太上皇妃昭靈夫人曰昭靈后以本紀修

六月趙王恢自殺廢其嗣以史記本紀修

朱虛侯章侍宴以軍法行酒以荀氏漢紀通鑑修

陸賈說丞相陳平與太尉周勃相結以荀氏漢紀通鑑修

秋使使告代王恆欲徙王趙恆謝願守代邊乃立武

信侯呂祿為趙王以史記本紀修

九月燕靈王建薨太后殺其子國除以史記本紀修

南越王侵長沙遣隆慮侯周竈擊之以通鑑舉要歷修

漢高皇后呂氏八年冬十月辛丑立呂肅王子東平

侯通為燕王

通鑑

春三月太后被還遂病

以史記本紀修

夏四月丁酉封中大謁者張釋為建陵侯諸中官宦

者令丞皆為關內侯

以史記年表本紀修

江水漢水溢流萬餘家

本紀西戎呂國之齊南

秋七月以趙王呂祿為大將軍將北軍呂王產居南

軍

以史記本紀修

辛巳太后崩于未央宮遺詔赦天下以產為相國祿

卷九 大事記

七

退補齋藏板

女為帝后

以史記本紀修

合葬長陵

史記外戚世家

以左丞相審食其為帝太傅

以史記本紀修

八月丙午齊王舉兵討呂氏西攻呂國之濟南

以史記本紀修

紀列傳修

相國呂產使灌嬰擊齊嬰留屯滎陽與齊連和

以史記本紀修

紀修

九月庚申太尉周勃入北軍使朱虛侯章入宮殺呂

產及長樂衛尉呂更始諸呂無少長皆斬之

以史記本紀修



大事記卷十

宋呂祖謙撰 郡後學胡鳳丹月樵校梓

漢孝文皇帝元年冬十月庚戌徙立故琅邪王澤為

燕王

史記本紀

辛亥皇帝即阼謁高廟

史記本紀

尊代太后曰皇太后王子遣太后弟車騎將軍薄昭

奉迎于代

以史記本紀修

增丞相陳平太尉周勃朱虛侯章等封邑

以史記漢書本紀修

十一月徙右丞相陳平為左丞相太尉勃為右丞相

卷十 大事記

一 退補齋藏板

大將軍灌嬰為太尉

以通鑑修

呂氏所奪齊楚地皆歸之

漢書本紀

十二月除收帑諸相坐律令

史記本紀

春正月有司請蚤建太子詔曰其安之有司三請乃

立長子啓為太子賜天下民當為父後者爵一級

史記

本紀

三月立太子母竇氏為皇后賜天下鰥寡孤獨窮困

高年孤兒布帛米肉

以史記本紀修

選皇后兄弟師傅賓客

以通鑑修

楚元王交薨太子辟非先卒立次子宗正上邳侯郢

客為楚王以本紀列傳修

夏四月齊楚地震二十九山同日崩大水潰出本紀

六月令郡國無來獻本紀

令民賦四十丁男三十而一事以賈捐之傳修

脩代來功封衛將軍宋昌為壯武侯以本紀修

從高帝入漢中者列侯益封二千石以上賜食邑本紀

紀修

秋八月辛未右丞相勃免左丞相平專為丞相通鑑

卷十 大事記

二

退補齋藏板

遣陸賈諭南越趙佗謝罪去帝號以史記列傳修

齊哀王襄薨立太子則為王以本紀世家修

以賈誼為太中大夫以百官表列傳修

漢孝文皇帝二年冬十月丞相曲逆獻侯陳平薨通鑑

綱目

詔列侯各之國以本紀修

十一月乙亥周勃復為丞相通鑑

癸卯晦日有食之詔求言舉賢良方正罷衛將軍軍

省太僕馬以本紀修

穎陰侯騎賈山上書言事以列傳修

春正月丁亥親耕籍田以本紀修

三月立趙幽王少子辟疆為河間王朱虛侯章為城

陽王東牟侯興居為濟北王皇子武為代王參為太

原王揖為梁王以本紀修

以太中大夫石奮代張相如為太子太傅以荀氏漢書修

三月除誹謗妖言律以本紀史記大事記修

八月陳武破濟北軍虜其王興居興居自殺以史記漢書本

紀修

卷十 大事記

三

退補齋藏板

以太中大夫賈誼為長沙王太傅以列傳修

漢孝文皇帝四年冬十二月乙巳穎陰懿侯灌嬰薨

以年表通鑑修

春正月甲午以御史大夫北平侯張蒼為丞相以史記漢

書年表修

召河東守季布至邸罷歸郡以列傳荀氏漢紀修

以安邱侯張說為將軍擊匈奴出代以史記年表修

匈奴單于冒頓請和親許之以列傳修

夏五月復諸劉有屬籍家無所與賜諸侯王子邑各

二千戶

本紀

六月雨雪

荀氏漢紀

秋七月絳侯周勃下廷尉赦復爵邑

以列傳修

作顧成廟

本紀

漢孝文皇帝五年春二月地震

本紀

夏四月更造四銖錢除盜鑄錢令使民得自鑄

通鑑

楚夷王郢客薨立太子戊為楚王

以年表修

漢孝文皇帝六年冬十月桃李華

本紀

十一月淮南王長謀反廢遷蜀嚴道至雍死

以本紀修

卷十 大事記

四

退補齋藏板

帝幸上林中郎將袁盎卻慎夫人坐

以列傳修

遣中大夫意使匈奴頃之冒頓死子稽粥立號老上

單于復以宗室女為公主妻單于

以列傳修

漢孝文皇帝七年冬十月令諸侯王子列侯母妻及

吏二千石無得擅徵捕

以本紀修

夏四月赦天下

本紀

初置南陵

史記大事記大

六月癸酉未央宮東闕罌罍災

本紀

召長沙王太傅賈誼入見遷為梁王太傅

以列傳修

漢孝文皇帝八年梁王太傅賈誼陳政事以列傳荀氏漢紀修

夏封故淮南王長子四人為列侯以史記列傳漢書本紀修

有長星出於東方紀本

漢孝文皇帝九年春大旱泰山西至高四四十餘里

溫室鐘自鳴史記大事記

漢孝文皇帝十年冬帝幸甘泉以本紀修

將軍薄昭有罪自殺通鑑綱目

帝幸上林拜虎圈嗇夫為上林令謁者僕射張釋之

諫乃止以荀氏漢紀史記列傳修

卷十 大事記

五

退補齋藏板

諸侯王皆來朝以史記大事記修

遣太常掌故鼂錯往濟南伏生所受尚書以本傳儒林傳修

漢孝文皇帝十一年冬十一月帝幸代春正月帝至

自代以本紀修

夏六月梁懷王揖薨無子國除荀氏漢紀

徙淮陽王武為梁王北界泰山西至高陽四十餘縣

又徙城陽王喜為淮南王以賈誼傳修

博士鼂錯論太子未知術數拜為太子家令以列傳修

匈奴寇狄道從鼂錯議募民徙塞下以通鑑修

漢孝文皇帝十二年冬十二月河決東郡酸棗潰金

隄興卒塞之以史記大事記河渠書修

春正月賜諸侯王女邑各二千戶本紀

二月出惠帝後宮美人令得嫁本紀修

三月除關無用傳本紀

鼂錯請募民入粟於邊拜爵免罪從之以通鑑修

賜農民今年租稅之半本紀

遣謁者勞賜三老孝者弟者力田廉吏以戶口縣率

置三老孝悌力田常員以本紀修

卷十 大事記

六 退補齋藏板

吳國有馬生角以荀氏漢紀修

追諡故淮南王長為厲王以列傳修

甲戌漢孝文皇帝十三年春二月詔具親耕桑禮儀

以本紀修

夏除祕祝本紀

五月除肉刑本紀

盜殺御史大夫馮敬以賈誼傳修

故梁王太傅賈誼卒以本傳年表修

六月除田租稅本傳

除戍卒令以史記大事記修

漢孝文皇帝十四年冬匈奴老上單于稽粥十四萬騎攻朝那塞蕭關殺北地都尉孫印遂至彭陽侯騎至雍甘泉以周舍為衛將軍張武為車騎將軍將軍千乘騎十萬屯長安旁以備長安以昌侯盧卿甯侯魏遼隆慮侯周竈皆為將軍屯上郡北地隴西張相如為大將軍董赤欒布為將軍大發車騎以擊匈奴匈奴遁走出塞以本紀列傳修

以中郎署長馮唐為車騎都尉赦囚徒魏尚復以為

卷十 大事記

七 退補齋藏板

雲中守以史記列傳荀氏漢紀通鑑修

春三月增諸祀壇瑋幣以本紀修

河間文王辟疆薨立太子福為河間王以通鑑漢書年表修

漢孝文皇帝十五年春黃龍見成紀以本紀修

以公孫臣為博士議改正朔服色以史記本紀封禪書修

夏四月帝幸雍始郊見五帝以本紀修

九月詔諸侯王公卿郡守舉賢良能直言極諫者上

親策之以本紀修

齊文王則河間哀王福皆薨無子國除以通鑑修

新垣平以望氣見

紀本

漢孝文皇帝十六年作渭陽五帝廟夏四月帝郊見

五帝於渭陽以新垣平為上大夫命博士諸生刺六

經作王制

以封禪書郊祀志注修

復以長門道北立五帝壇

以郊祀志修

徙淮南王喜復為城陽王

通鑑

丙寅分齊為六國立悼惠王子揚虛侯將闔為齊王

安都侯志為濟北王武成侯賢為菑川王白石侯雄

渠為膠東王平昌侯卬為膠西王卬侯辟光為濟南

卷十 大事記

八

退補齋藏板

王又分淮南為三國立厲王子阜陵侯安為淮南王

安陽侯勃為衡山王陽周侯賜為廬江王

以通鑑稽古錄修

秋九月得玉杯新垣平言候曰再中詔更以明年為

元年作汾陰廟

以郊祀志修

漢孝文皇帝後元年冬十月新垣平詐覺謀反夷三

族

紀本

春三月孝惠皇后張氏薨於北宮

以本紀及注修

詔議民食

以本紀修

漢孝文皇帝後二年夏帝幸雍棧陽宮

以本紀修

六月代孝王參薨立太子登為代王以本紀列傳修

復與匈奴和親通鑑綱目

八月戊辰丞相張蒼免庚午以御史大夫關內侯申

屠嘉為丞相封故安侯以本紀年表列傳修

星隕梁野以荀氏漢紀修

漢孝文皇帝後三年春二月帝幸代以本紀修

匈奴老上單于稽粥死子軍臣立為單于以通鑑史記列傳注

修

秋大雨四十五日以荀氏漢紀修

卷十 大事記

九

退補齋藏板

以中郎將張釋之為廷尉以年表列傳修

漢孝文皇帝後四年夏四月丙寅晦日有食之本紀

五月赦天下免官奴婢為庶人本紀

帝幸雍以本紀修

漢孝文皇帝後五年春正月帝幸隴西以本紀修

三月帝幸雍以本紀修

六月齊有狗生角以荀氏漢紀修

秋七月帝幸代以本紀修

漢孝文皇帝後六年冬匈奴絕和親大入上郡雲中

以中大夫令免故楚相蘇意郎中令張武爲將軍屯  
飛狐句注北地又以河內守周亞夫宗正劉禮祝茲  
侯徐厲爲將軍屯細柳霸上棘門數月匈奴亦罷以

記漢書本  
紀列傳修

削趙王遂河間郡膠西王卬六縣以史記吳  
王傳修

卷十

大事記

十

退補齋  
藏板



蕭王... 王... 王...

...

...

...

...

大事記卷十一

宋呂祖謙撰

郡後學胡鳳丹月樵校梓

漢孝景皇帝二年冬十二月有星孛于西南紀本

令天下男子二十始傅紀本

春三月甲寅立皇子德為河間王闕為臨江王餘為

淮陽王非為汝南王彭祖為廣川王發為長沙王通鑑

夏四月壬午太皇太后薄氏崩通鑑

六月丞相故安節侯申徒嘉薨表修

封故丞相蕭何孫係為武陵侯以漢書史記本紀修

卷十一

大事記

一

退補齋藏板

秋與匈奴和親紀本

八月丁未以御史大夫開封侯陶青為丞相丁巳以

內史鼂錯為御史大夫通鑑

彗星出東北史記本紀

雨雹於衡山以史記本紀修

熒惑逆行守北辰月出北辰間歲星逆行天庭中以史

記本

漢孝景皇帝三年冬十月梁王武來朝詹事實嬰以

病免太后除嬰門籍以通鑑史記列傳修

楚王戊來朝削其東海郡以史記列傳修

春正月長星出西方以史記本紀修

削吳王豫章會稽郡以史記列傳修

吳王濞楚王戊趙王遂膠西王卬濟南王辟光菑川

王賢膠東王雄渠反南連越北連匈奴吳楚圍梁膠

西濟南菑川膠東圍齊帝以中尉周亞夫為太尉將

三十六將軍擊吳楚故詹事竇嬰為大將軍屯滎陽

曲周侯酈寄擊趙將軍欒布救齊赦天下斬御史大

夫鼂錯以謝七國周亞夫壁昌邑南以梁委吳而絕

卷十一 大事記

二

退補齋藏板

其糧道二月吳楚食盡引去亞夫追擊大破之楚王

戊自殺壬午晦日有食之三月東越斬吳王濞於丹

徒欒布敗諸侯兵解齊圍齊王將聞自殺膠西王卬

濟南王辟光菑川王賢膠東王雄渠皆伏誅立齊太

子壽為齊王夏六月乙亥徙淮陽王餘為魯王汝南

王非為江都王立子端為膠西王勝為中山王宗正

禮為楚王秋九月酈寄欒布滅趙趙王遂自殺以史記本

紀列傳通鑑稽古錄通鑑綱目修

賜民爵一級本紀

漢孝景皇帝四年春復置諸關傳出入本紀

夏四月乙巳立子榮為皇太子徹為膠東王本紀

六月赦天下賜民爵一級本紀

徙汝南王非為江都王表修

賜梁王武汝南王非天子旌旗以世家修本

秋七月臨江哀王閔薨無後國除以本紀年表修

後九月更以弋陽為陽陵史記本紀

徙衡山王勃為濟北王盧江王賜為衡山王以年表通鑑修

漢孝景皇帝五年冬十月戊戌晦日有食之以本紀修

卷十一 大事記

三 退補齋藏板

春正月作陽陵邑募民徙居之通鑑綱目

夏五月丁卯封長公主子蟜為隆慮侯史記本紀

遣公主嫁匈奴單于本紀

徙廣川王彭祖為趙王通鑑

漢孝景皇帝六年冬十二月雷霖雨本紀

秋九月皇后薄氏廢本紀

後九月伐馳道樹塹蘭池史記本紀

漢孝景皇帝七年冬十月梁王武來朝以列傳修

十一月乙丑廢皇太子榮為臨江王以史記本紀年表修

中尉衛綰免以濟南太守邳都代之以列傳年表修

庚寅晦日有食之通鑑

二月丞相陶青免乙巳太尉僚侯周亞夫為丞相罷

太尉官以史記本紀通鑑修

夏四月乙巳立膠東王太后王氏為皇后丁巳立膠

東王徹為皇太子以史記本紀修

以故中尉衛綰為太子太傅以列傳修

漢孝景皇帝中元年夏四月赦天下賜民爵一級本紀

封故御史大夫周苛孫平為繩侯故御史大夫周昌

卷十一 大事記

四 退補齋藏板

子左車為安陽侯以史記漢書本紀修

衡山地震原都雨雹大者尺八寸以史記漢書本紀通鑑修

漢孝景皇帝中二年春二月定諸侯薨葬立嗣之制

以漢書本紀修

匈奴入燕本紀

三月臨江王榮下中尉府自殺國除以史記本紀年表修

夏四月有星孛於西北本紀

乙巳立子越為廣川王寄為膠東王以年表本紀修

秋七月更郡守為太守郡尉為都尉本紀

秋九月甲戌晦日有食之

通鑑

梁王武使人刺殺故楚相袁盎詣闕謝罪

綱目

甲午漢孝景皇帝中三年冬十一月罷諸侯御史大夫

夫官

本紀

十二月匈奴王徐盧等七人降皆封為列侯

以史記年表世

家本紀修

春三月丁巳封子乘為清河王

以史記年表本

夏四月旱禁酤酒

以荀氏漢紀漢書本紀修

秋九月蝗有星孛于西北戊戌晦日有食之丞相周

卷十一 大事記

五

退補齋藏板

亞夫免以御史大夫桃侯劉舍為丞相

以漢紀百官表修

漢孝景皇帝中四年春三月作德陽宮

以本紀修

夏大蝗

以史記本紀修

秋赦徒作陽陵者

以史記本紀

漢孝景皇帝中五年冬十月戊午日有食之

以本紀修

春三月丁巳立子舜為常山王

以年表本紀修

夏五月甲戌封皇后兄王信為蓋侯

以年表修

六月丁巳赦天下賜民爵一級

以本紀

大水

通鑑

秋八月己酉未央宮東闕災本紀

令諸侯王不得治國更名諸侯丞相為相它官皆損

其員以百官表本紀修

秋九月詔諸獄疑讞之以本紀修

地震通鑑

漢孝景皇帝中六年冬十月梁王武來朝以通鑑修

十一月改諸官名本紀

定鑄錢偽黃金棄市律本紀

春二月己卯帝幸雍郊五時以通鑑史記本紀修

卷十一 大事記

六 退補齋藏板

春三月雨雪本紀

夏四月梁孝王武薨立其子買為梁王以本紀年表修

五月丙戌分梁地立孝王子明為濟川王彭離為濟

東王定為山陽王不識為濟陰王以本紀年表修

定長吏車服之制以本紀修

減笞法定箠令本紀

匈奴入鴈門上郡以本紀修

秋七月辛亥晦日有食之本紀

以甯成為中尉以通鑑列傳修

城陽其王嘉薨

通鑑

漢孝景皇帝後元年春正月詔獄讞不當不為失本

修紀

三月丁酉赦天下賜中二千石諸侯相爵有庶長夏

大酺五月民得酤酒

以史記漢書本紀修

五月丙戌地震

以史記本紀修

秋七月丙午丞相劉舍免

年表

乙巳晦日有食之

本紀

八月壬辰以御史大夫建陵侯衛綰為丞相

以年表列傳修

卷十一

大事記

七

返補齋藏板

條侯周亞夫下獄死

本紀

漢孝景皇帝後二年冬十月省徹侯之國

本紀

春正月地一日三動

以史記本紀

以歲不登禁天下食不造歲令內史郡不得以粟食

馬令徒隸衣七纓布

以史記本紀修

三月匈奴入鴈門

以史記本紀

夏五月詔賞算四得官

以史記本紀

相長陵田

以史記本紀

秋大旱衡山國河東雲中郡民疫

以史記漢書本紀修

漢孝景皇帝後三年冬十月日月皆食赤五日史記本紀

十二月海雷曰如紫五星逆行守太微月貫天度中史記本紀

史記本紀

春正月詔勸農桑禁采黃金珠玉通鑑綱目

甲寅皇太子冠史記本紀

甲子帝崩于未央宮本紀

二月癸酉葬陽陵上謚曰孝景皇帝丙子太子卽位

尊皇太后曰太皇太后皇后曰皇太后以史記大事記文帝紀景

帝紀

卷十一 大事記

八 退補齋藏板

三月封皇太后同母弟田蚡爲武安侯勝爲周陽侯

以漢書史記本紀修

漢孝武皇帝建元元年冬十月舉賢良方正之士轅

固以老罷歸以董仲舒爲江都相莊助爲中大夫治

申韓蘇張之言者皆罷之以本紀列傳修

春二月赦天下本紀

行三銖本紀

夏四月詔民年九十以上復子若孫令供養以本紀修

五月詔脩山川祠以本紀修

六月丞相衛綰免丙寅以魏其侯竇嬰爲丞相武安侯田蚡爲太尉趙綰爲御史大夫王臧爲郎中令

表列傳修

秋七月詔省衛士萬人罷苑馬以賜貧民

以本紀修

徵魯申公議立明堂帝問以政事對曰爲治者不在

多言顧力行何如耳

以本紀列傳修

又徵枚乘道死

以列傳修

內史甯成抵罪髡鉗

以年表通鑑修

漢孝武皇帝建元二年冬十月淮南王安來朝

通鑑

卷十一

大事記

九

退補齋藏板

御史大夫趙綰郎中令王臧下獄死丞相竇嬰太尉

田蚡免以石建爲郎中令弟慶爲內史

以年表列傳通鑑修

春二月丙戌朔日有食之

本紀

夏四月戊申有星如日夜出

通鑑

初置茂陵邑

本紀

漢孝武皇帝建元三年冬十月代王登長沙王發中

山王勝濟川王明來朝

以史記年表通鑑修

春河水溢于平原大饑人相食

本紀

初作便門橋

本紀

秋七月有星孛于西北

本紀

廢濟川王明為庶人遷房陵國除

以列傳修

閩越圍東甌遣莊助發兵救之遂徙其眾於江淮間

以本紀列傳修

九月丙子晦日有食之

本紀

始為微行

通鑑

起上林苑

東方列傳

甲申漢孝武皇帝建元四年夏有風赤如血

本紀

六月旱

本紀

卷十一 大事記

十

退補齋藏板

秋九月有星孛于東北

本紀

南越王趙佗死其孫胡立為南越王

以通鑑列傳修

漢孝武皇帝建元五年春罷三銖錢行半兩錢

本紀

置五經博士

本紀

夏五月大蝗

本紀

秋八月廣川惠王越薨立其太子齊為王清河哀王

乘薨無子國除

以本紀列傳修

大事記卷十二

宋呂祖謙撰

郡後學胡鳳丹月樵校梓

漢孝武皇帝建元六年春二月乙未遼東高廟災夏

四月壬子高園便殿火

本紀

五月丁亥太皇太后竇氏崩

以本紀修

六月癸巳丞相許昌免以武安侯田蚡為丞相絀黃

老之言復申刑名百家之禁延文學儒者以百數

百以官表儒林傳修

秋八月有星孛于東方長竟天

本紀

卷十二 大事記

一

退補齋藏板

閩越王郢攻南越遣大行王恢大司農韓安國擊之

閩越王弟餘善殺郢謝罪立無諸孫丑為越繇王餘

善為東越王

以本紀列傳修

以東海太守汲黯為主爵都尉

以百官表修

與匈奴和親

通鑑綱目

遣唐蒙通夜郎置犍為郡

以列傳修

漢孝武皇帝元光元年冬十一月初令郡國舉孝廉

以本紀修

衛尉李廣為驍騎將軍屯雲中程不識為車騎將軍

屯鴈門六月罷

本紀

夏四月赦天下復七國宗室前絕屬者

本紀

發巴蜀吏卒治西南夷道

以本紀列傳修

治鴈門阻險

本紀

秋七月大風拔木

本紀

乙巳皇后陳氏廢

本紀

以張湯爲太中大夫與趙禹定律令

以列傳修

八月螟

本紀

策賢良文學擢公孫弘爲博士尋以爲左內史

以列傳年

卷三 大事記

二

退補齋藏板

表修

漢孝武皇帝元光六年冬初算商車

本紀

春穿漕渠通渭

本紀

夏大旱蝗

本紀

秋匈奴入上谷以太中大夫衛青爲車騎將軍出上

谷衛尉李廣爲驍騎將軍出鴈門太中大夫公孫敖

爲騎將軍出代太僕公孫賀爲輕車將軍出雲中廣

敖失師賀亦無功唯青至龍城頗斬首虜賜爵關內

侯

以史記匈奴傳漢書本紀史記公孫卿表荀氏漢紀修

遣司馬相如通印都置一都尉十餘縣以西南夷司馬相如傳修

西南夷始置郵亭以史記大事紀修

為董偃置酒宣室中郎東方朔諫曰宣室者先帝之

正處也淫亂之漸其變為篡詔更置酒北宮以列傳修

漢孝武皇帝元朔元年冬匈奴盜邊以衛尉韓安國

為材官將軍屯漁陽以韓安國匈奴傳修

十一月詔議二千石不舉孝廉者罪以本紀修

子據生春三月甲子立夫人衛氏為皇后以列傳本紀修

赦天下以本紀

卷十二 大事記

三 退補齋藏板

秋匈奴入遼西漁陽鴈門遣將軍衛青出鴈門將軍

李息出代獲首虜數千級以本紀修

東夷歲君南閭等口二十八萬人降置蒼海郡以本紀修

燕王定國有罪自殺國除以史記年表修

甲寅漢孝武皇帝元朔二年冬賜淮南王菑川王几

杖毋朝以本紀

春正月詔諸侯王得分邑土封子弟為列侯以本紀荀氏漢

紀修

匈奴入上谷漁陽遣車騎將軍衛青擊走之遂取河

南地置朔方五原郡地理志修

三月乙亥晦日有食之

夏募民徙朔方十萬口本紀

徙郡國豪傑於茂陵綱目

齊厲王次昌自殺無後國除族誅齊相主父偃以史記年

表漢書  
列傳修

御史大夫張歐告老帝欲以孔臧為御史大夫臧請

為太常典家業從之以列傳孔叢

漢孝武皇帝元朔三年冬匈奴軍臣單于死其弟左

卷十二 大事記

四

退補齋藏板

谷蠡王伊稚斜自立為單于軍臣單于太子於單來

降以本傳修

以左內史公孫弘為御史大夫中大夫張湯為廷尉

以年表修

族誅郭解以通鑑修

春罷蒼海郡本紀

三月赦天下本紀

張騫使月氏還以為太中大夫以列傳通鑑修

夏匈奴入一郡殺太守共友以列傳修

六月庚午皇太后王氏崩

以本紀修

罷西夷獨置南夷兩縣一郡尉城朔方城

以列傳修

大酺

本紀

匈奴入鴈門

以列傳通鑑修

漢孝武皇帝元朔四年冬帝幸甘泉

以本紀修

夏匈奴入代定襄上郡

本紀

漢孝武皇帝元朔五年冬十一月乙丑丞相薛澤免

以御史大夫公孫弘爲丞相封平津侯

以年表列傳通鑑修

以汲黯爲右內史董仲舒爲膠西王相

以列傳通鑑修

卷十二 大事記

五

退補齋藏板

春大旱

本紀

匈奴寇朔方遣衛青率六將軍擊之圍右賢王獲首

虜萬五千級還拜青爲大將軍

以本紀列傳修

夏六月置博士弟子員

以本紀修

秋匈奴入代殺都尉朱英

以列傳修

上賜衡山王賜不朝

以列傳修

漢孝武皇帝元朔六年春二月遣大將軍衛青將六

將軍十萬餘騎擊匈奴

以本紀修

赦天下

本紀

夏四月衛青復將六將軍絕幕斬首虜萬餘右將軍蘇建前將軍趙信爲單于所敗信降匈奴建盡亡其軍唯票姚校尉霍去病有功封冠軍侯以列傳修

六月置武功爵本紀

漢孝武皇帝元狩元年冬十月帝幸雍祠五時獲一

角獸以本紀郊祀志修

淮南王安衡山王賜謀反自殺通鑑綱目

十二月大雨雪本修

夏四月赦天下本紀

卷上 大事記

六 退補齋藏板

丁卯立子據爲皇太子以本紀修

遣謁者巡行天下賜孝弟力田老耄孤寡帛各有差

以本紀修

五月乙巳晦日有食之本紀

匈奴入上谷殺數百人本紀

復事西南夷以史記通鑑西

漢孝武皇帝元狩二年冬十月帝幸雍祠五時以本紀修

春三月戊寅平津獻侯公孫弘薨壬辰以御史大夫

樂安侯李蔡爲丞相廷尉張湯爲御史大夫年表通鑑

以冠軍侯霍去病為驃騎將軍擊匈奴得休屠王祭

天金人獲首虜萬八千餘級以列傳修

夏得馬余吾水中南越獻馴象能言鳥以本紀修

立樂府以宦者李延年為協律都尉以本紀禮志修

遣驃騎將軍霍去病合騎侯公孫敖出北地衛尉張

騫郎中令李廣出右北平擊匈奴去病至祈連山斬

首虜三萬餘級益封五千戶裨將三人皆封侯敖騫

失期當死贖為庶人廣軍幾沒無賞以本紀列傳修

江都王建有罪自殺以本紀修

卷十二 大事記

七

退補齋藏板

秋匈奴昆邪王將四萬餘人來降置五屬國以處之

以本紀修

以方士齊人少翁為文成將軍以封禪書修

作甘泉宮以封禪書修

漢孝武皇帝元狩三年春有星孛于東方以本紀修

夏大旱以本紀修

五月赦天下以本紀修

立膠東康王子少子慶為六安王以本紀修

封故相國蕭何曾孫慶為鄼侯以本紀年表修

秋匈奴入右北平定襄本紀

山東大水徙貧民於關西朔方七十餘萬口以通鑑平準書

修

作昆明池以本紀修

漢孝武皇帝元狩四年冬造白金皮幣罷半兩錢行

三銖錢以本紀平準書修

以東郭咸陽孔僅為大農丞桑弘羊為侍中以平準書修

初算緡錢本紀

以下式為中郎以平準書修

卷十二 大事記

八 退補齋藏板

春有星孛于東北本紀

夏有長星出于西北本紀

遣大將軍衛青驃騎將軍霍去病各將五萬騎絕幕

擊匈奴青圍單于不克去病封狼居胥山獲首虜七

萬餘級益封五千八百戶前將軍李廣自殺以列傳修

衛青霍去病皆加大司馬以百官表列傳修

匈奴請和親博士狄山與張湯異議遣乘障為匈奴

所殺以列傳修

右內史汲黯免以義縱為右內史王溫舒為中尉楊

僕為主爵都尉以百官表修

文成將軍少翁伏誅以通鑑綱目修

漢孝武皇帝元狩五年春三月甲午丞相李蔡有罪

自殺本紀

罷三銖錢行五銖錢以本紀修

初權鹽鐵以平準書修

董仲舒請限民田不從以食貨志修

以汲黯為淮陽太守以通鑑修

徙天下姦猾吏民於邊本紀

卷十二 大事記

九 退補齋藏板

夏四月乙卯以太子少傅武彊侯莊青翟為丞相通鑑

赦天下祠壽宮神君以通鑑封禪書修

以司馬安為廷尉年表

甲子漢孝武皇帝元狩六年冬十月雨水無冰本紀

楊可告緡右內史義縱坐廢格誅

驃騎將軍霍去病殺郎中令李敢以通鑑列傳修

夏四月乙巳立子闕為齊王旦為燕王胥為廣陵王

以本紀修

六月遣博士褚大徐偃等六人分行郡國以平準書修

秋九月大司馬驃騎將軍霍去病薨以其弟光為奉

車都尉以本紀列傳修

大農令顏異坐腹誅誅以平準書修

漢孝武皇帝元鼎元年夏五月赦天下大酺五日紀本

濟東王彭離有罪廢處上庸國除紀本

漢孝武皇帝元鼎二年冬十一月御史大夫張湯有

罪自殺紀本

十二月壬辰丞相莊青翟下獄自殺以百官表通鑑修

春作柏梁臺紀本

卷二 大事記

十 退補齋藏板

二月辛亥以太子太傅高陵侯趙周為丞相以史記漢書年

表修

三月大雨雪紀本

夏大水紀本

秋九月遣博士中等循行江南振救饑民以本紀修

以孔僅為大農令桑弘羊為大農丞以百官表平準書修

置水衡都尉官以百官表修

行赤側錢罷白金以平準書修

遣中郎將張騫使烏孫通西域以通鑑修

漢孝武皇帝元鼎三年冬徙函谷關於新安以故關

為弘農縣紀本

十二月令民告緡者以其半與之紀本

令株送徒入財補郎以平準書通鑑綱目修

正月戊子陽陵園火紀本

夏四月雨雹紀本

關東郡國十餘饑人相食紀本

常山憲王舜薨太子勃嗣立有罪國除為常山郡以

憲王子平為真定王子商為泗水王以年表列傳修

卷二

大事記

十一

退補齋藏板

徙代王義為清河王通鑑

匈奴伊稚斜單于死子烏維立為單于以列傳通鑑修

以關都尉尹齊為中尉以百官表修

漢孝武皇帝元鼎四年冬十月帝幸雍祠五時紀本

始巡郡國東度河幸汾陰十一月甲子立后土祠于

汾陰脍上滎陽而還以本紀平準書修

封周後姬嘉為周子南君通鑑綱目

春以方士欒大為五利將軍夏四月乙巳封為樂通

侯以通鑑郊祀志年表修

六月得寶鼎后土祠旁

紀本

秋得馬於渥洼水中

紀本

中尉尹齊免徙廷尉王溫舒代之以故少府趙禹為

廷尉中大夫兒寬為左內史

以百官表修

遣安國少季諭南粵衛尉路博德將兵屯桂陽

以通鑑列

傳修

以方士公孫卿為郎

以通鑑修

罷赤側錢專令上林三官鑄錢

以平準書修

漢孝武皇帝元鼎五年冬十月帝幸雍祠五時遂西

卷十二 大事記

三

退補齋藏板

踰隴登空同北出蕭關獵新秦中以勒邊兵而還

以本

紀平準書修

十一月辛巳朔旦冬至郊見太一于甘泉泰時

以本紀修

三月南粵相呂嘉殺漢使者及其王興王太后繆氏

立興兒子建德為王

以本紀列傳修

夏四月赦天下

紀本

丁丑晦日有食之

紀本

秋遣伏波將軍路博德樓船將軍楊僕等擊南越

以本

紀修

賜卜式爵關內侯

綱目通鑑

九月列侯坐獻黃金耐祭宗廟不如法奪爵者百八

辛巳丞相趙周下獄死

以本紀年表修

以御史大夫石慶為丞相封牧邱侯

以百官表修

五利將軍樂大坐誣罔誅

以本紀郊祀志修

西羌反圍抱罕匈奴入五原殺太守

以本紀修

漢孝武皇帝元鼎六年冬十月朝會不置酒

以楊僕傳修

遣將軍李息郎中令徐自為征西羌平之

本紀

令三百石以上吏以差出馬

以平準書修

卷十二 大事記

三

退補齋藏板

路博德楊僕滅南越獲其王建德相呂嘉以其地為

南海蒼梧鬱林合浦交趾九真日南珠崖儋耳九郡

以通鑑本紀修

春上幸緱氏城視僊人跡

以通鑑修

西南夷反遣中郎將郭昌衛廣擊滅之以為武都牂

牁越雋沈黎文山郡

以列傳本紀修

秋冬越王餘善反遣韓說王溫舒楊僕擊之

以本紀修

遣浮沮將軍公孫賀出九原匈奴將軍趙破奴出令

居皆三千餘里不見虜而還乃分武威酒泉地置張

掖敦煌郡

本紀

以齊相卜式為御史大夫

以百官表修

作六輔渠

以溝洫志修

漢孝武皇帝元封元年冬十月帝北巡登單于臺臨

北河勒兵十八萬匈奴讐不敢出乃入塞罷兵還甘

泉

以本紀稽古錄修

遣趙破奴擊西域虜樓蘭車師王

以年表大宛傳修

東越殺其王餘善降遷其民江淮間虛其地

以本紀修

貶御史大夫卜式為太子太傅以右內史兒寬代之

卷十二 大事記

古 退補齋藏板

以列傳年表修

以大農丞桑弘羊為治粟都尉領大農

以平準書修

置均輸平準

以平準書修

以減宣為左內史閻奉為水衡都衡

以百官表修

春正月帝幸緱氏祭中嶽遂東巡海上夏四月帝還

登封泰山降禪肅然山改元赦天下復東北至碣石

九原而還

以本紀封禪書修

令吏民入粟補官贖罪罷告緡益歲漢六百萬石賜

桑弘羊爵左庶長

以平準書修

秋有星孛于東井又孛于三台本紀

齊王閔薨無子國除

漢孝武皇帝元封二年冬十月帝行幸雍祠五畤本紀

春正月幸緱氏遂至東萊夏四月還祠泰山至瓠子

塞決河作宣防宮以荀氏漢紀通鑑修

帝至自瓠子以通鑑修

初立趙祠雞卜以封禪書通鑑修

作甘泉通天臺長安作蜚廉桂觀以本紀封禪書修

朝鮮王衡右渠反攻殺遼東都尉涉何以本紀通鑑修

卷十二 大事記

五 退補齋藏板

六月赦天下以本紀修

秋作明堂於汶上通鑑

遣樓船將軍楊僕左將軍荀彘擊朝鮮以本紀修

又遣郭昌衛廣平西南夷未服者降滇王以為益州

郡以本紀西夷傳修

以御史中丞相周為廷尉以百官表修

漢孝武皇帝元封三年冬十二月雷雨雹大如馬頭

通鑑

春作角抵戲本紀

夏朝鮮殺其王右渠降以其地爲樂浪臨屯玄菟眞番郡荀彘坐爭誅楊僕免爲庶人以本紀修

夏旱令天下祠靈星以封傳紀修

武都氏反分徙酒泉郡以本紀修

甲戌漢孝武皇帝元封四年冬十月帝幸雍祠五時

春三月還祠后土赦汾陰三縣以本紀修

帝至自汾陰補新

夏大旱關東流民二百萬口以本紀石慶傳修

匈奴寇邊遣郭昌趙破奴屯朔方以本紀匈奴傳修

卷十二 大事記

六 退補齋藏板

漢孝武皇帝元封五年冬帝南巡至南郡望祠虞舜

于九嶷親射蛟江中獲之遂北至琅邪春三月至秦

山增夏祠太一五帝于明堂配以高祖因朝諸侯受

計於明堂赦天下夏還甘泉郊泰時以本紀封禪書修

大司馬大將軍長平烈侯衛青薨以本紀通鑑修

初置刺史部十三州本紀

詔州郡察吏民有茂材異等可爲將相使絕國者以本

紀修

漢孝武皇帝元封六年春作首山宮本紀

三月帝幸河東祠后土

以本紀修

益州昆明反遣拔胡將軍郭昌擊之

以本紀修

秋大旱蝗

本紀

以宗室女爲公主妻烏孫

以通鑑西域傳修

匈奴烏維單于死子烏廬立

漢孝武皇帝太初元年冬十月帝幸泰山十一月甲

子朔冬至祠太一五帝于明堂

以本紀封禪書修

乙丑栢梁臺災

本紀

十二月甲午朔禪高里祠后土東臨勃海望祠蓬萊

卷三

大事記

七

退補齋藏板

春正月還受計于甘泉

以本紀修

二月作建章宮

以本紀修

夏五月正歷以正月爲歲首

本紀

定官名

本紀

築受降城

以本紀修

秋八月幸安定

以本紀修

遣貳師將軍李廣利擊大宛

以本紀修

關東蝗大起飛西至燉煌

通鑑

詔匈奴大宛

以封禪書修

漢孝武皇帝太初二年春正月戊申丞相牧邱恬侯

石慶薨

以本紀通鑑修

閏月丁丑以太僕公孫賀為丞相封葛繹侯

以通鑑修

三月幸河東祠后土

以本紀修

夏四月赦汾陰安邑殊死以下

本紀

五月籍吏民馬補車騎馬

本紀

秋蝗

本紀

李廣利攻大宛郁成城不克還屯燉煌

以通鑑列傳修

遣浚稽將軍趙破奴將二萬騎擊匈奴皆沒於虜

以本紀

卷十二 大事記

六

退補齋藏板

紀列傳修

漢孝武皇帝太初三年春正月帝東巡海上夏四月

還修封泰山

以本紀修

匈奴烏師廬單于死季父匈黎立

遣光祿勳徐自為築五原塞外列城彊弩尉路博

德築居延澤

以本紀匈奴傳修

秋匈奴入定襄雲中張掖酒泉

以本紀修

睢陽侯張昌有罪國除高祖功臣至是見侯四人

以通

鑑修

大發兵復遣李廣利圍大宛宛殺其王母寡以謝獲善馬數十匹以通鑑列傳修

漢孝武皇帝太初四年春李廣利軍還封海西侯入千戶執樓蘭王詣闕既而遣歸國以列傳修

秋作明光宮以本紀修

匈奴句黎胡單于死弟且鞮侯立盡歸漢使之不降者以匈奴列傳修

冬始稅武關出入者以本紀修

漢孝武皇帝天漢元年春正月帝幸甘泉郊泰畤二

卷二 大事記

五 充 退補齋藏板

月幸河東祠后土以本紀修

遣中郎將蘇武使匈奴匈奴欲降之不可乃徙之海

上以通鑑列傳修

夏大旱以荀氏漢紀修

五月赦天下以本紀修

秋大搜以本紀修

發讖戍屯五原以本紀修

守軍正丞胡建檀斬監察御史釋之以荀氏漢紀列傳修

漢孝武皇帝天漢二年春帝幸東海還幸回中以本紀修

夏五月遣貳師將軍李廣利擊匈奴右賢王於天山  
還爲匈奴所圍死者十六七又遣因杆將軍公孫敖  
出西河無所得騎都尉李陵出居延北與單于戰斬  
首萬餘級陵兵敗降匈奴

以本紀  
列傳修

太史令司馬遷下蠶室著書百三十篇

以列  
傳修

秋大搜

本紀

齊楚燕趙盜羣起遣直指使者暴勝之逐捕以軍興  
法誅二千石以下

以本紀  
列傳修

遣開陵侯成娩發樓蘭兵擊車師匈奴救之引還

以本

卷之二 大事記

三

退補齋  
藏板

紀西域  
傳修

漢孝武皇帝天漢三年春二月以執金吾杜周爲御

史大夫

以百官  
表修

初榷酒酤

本紀

三月帝幸泰山脩封祀明堂因受計還祠常山

以本  
紀修

夏四月大旱赦天下

秋匈奴入鴈門

本紀

甲申漢孝武皇帝天漢四年春正月朝諸侯王于甘

泉宮

本紀

遣貳師將軍李廣利出朔方因杆將軍公孫敖出鴈門游擊將軍韓說出五原皆戰不利引還以本紀修

夏四月立皇子體為昌邑王本紀

秋九月令死罪入贖以本紀修

漢孝武皇帝太始元年春正月徙郡國豪傑于茂陵

雲陽以本紀并注修

夏六月赦天下本紀

匈奴旦鞮侯單于死子孤鹿始立以匈奴傳修

漢孝武皇帝太始二年春三月更黃金為麟趾裏蹠

卷三十一

大事記

三

退補齋藏板

以本紀修

秋旱本紀修

作白渠以溝洫志修

漢孝武皇帝太始三年春正月帝幸甘泉饗外國客

本紀

二月帝幸東海琅邪浮海而還以本紀修

子弗陵生門其所生門曰堯母門以通鑑修

以直指使者江充為水衡都尉以年表修

漢孝武皇帝太始四年春三月幸泰山壬午祀高祖

于明堂癸未祀孝景皇帝于明堂甲申脩封以本紀修

夏四月幸不其五月還幸建章宮赦天下以本紀修

冬十月甲寅晦日有食之以本紀修

十二月帝幸雍祠五時

漢孝武皇帝征和元年春正月帝至自北地以本紀修

三月趙敬肅王彭祖薨遣使者立其子昌為趙王以列傳修

傳修

夏大旱以本紀修

冬十一月大搜十一日乃解巫蠱起以本紀修

卷十二 大事記

三 退補齋 藏杉

漢孝武皇帝征和二年春正月丞相公孫賀坐巫蠱

族誅以本紀列傳修

涿郡鐵官鐵飛以五行志修

三月以涿郡太守劉屈氂為左丞相封澎侯以五行志列傳修

夏四月大風發屋折木以本紀修

閏月諸邑公主陽石公主平陽侯曹宗故長平侯衛

伉故因杆將軍公孫敖皆坐巫蠱誅以本紀五行志列傳修

帝幸甘泉以本紀修

帝幸甘泉以本紀修

秋七月使者江充掘壘太子宮皇太子據斬充發兵  
與丞相劉屈氂戰敗出奔皇后衛氏自殺初置城門  
屯兵八月辛亥據自殺于湖以本紀修

癸亥地震以本紀修

九月立趙敬肅王少子偃為平干王以本紀修

匈奴入上谷五原以本紀修

漢孝武皇帝征和三年春正月帝幸雍至安定北地

而還以本紀修

匈奴入五原酒泉以本紀修

卷十二 大事記

三

退補齋藏板

三月遣貳師將軍李廣利等擊匈奴以本紀修

夏五月赦天下以本紀修

遣開陵侯成婉發樓蘭六國兵圍車師獲其王以本紀修

傳修

六月丞相劉屈氂坐巫蠱誅以本紀修

李廣利深入至郅居水軍敗降匈奴以本紀修

秋蝗以本紀修

以高寢郎田千秋為大鴻臚族滅江充家作思子宮

以年表通鑑列傳修

